



# AR C'HLEUZ ALAURET

HAC

## AN TOUR DANTELEZET

*Var eun ton Galec.*

**E**r Finistèr e zoun bet ganet,  
E He Castel-Paol eo man va brô :  
Ar vrô güella a ouffet cavet,  
Ha caera Tour zo tro vardro.  
Me o c'harie, me o admire,  
Qenlies deiz ro Doue, me lavare :  
Me gar va C'hleuz alaouret,  
Va Zour dantelezet.

Mes, pa voe rentet din ar c'hélou  
E zoa ret quittat va mestrez ;  
Ha mont da heuill an tabourinou,  
Dilezel tad ha tieguez,  
Me meus changet ha lavaret :  
Oh ! n'antàn get, n'antàn get, n'antàn get. . .  
Güell eo va C'hleuz alaouret,  
Va Zour dantelezet.

Hac e vijen-me en em fachet ?  
Senti d'an urz me a ränge.  
Tud mechant a rê scouarn calet  
Oc'h va daélou, va c'hlemou-me,  
Hac e c'hoarzet, e voa paet,  
O lavaret : Yvonic ? n'antàn get !  
Adieu va C'hleuz alaouret,  
Va Zour dantelezet.

En déspet din-me, er rejimant,  
En exercic, Yvonic paour !  
N'em boa na gout nac ententament  
D'anaout james *droite, demi-tour* ;  
Hac e trôen evel ma sonjen,  
Dre ma trôen, gant angen e clasqen  
Güelet va C'hleuz alaouret,  
Va Zour dantelezet.

Diouc'h ar gamel tam ne brofiten,  
Tread, qen a güezen eus va za,  
O vont varlerc'h ar c'horf me chomme  
Bep cant bas d'en em discuiza  
Hac e voelen, dre ma sonjen  
Marteze qen hirvigen ne veljen,  
Siouas ! va c'hleuz alaouret,  
Va Zour dantelezet !

« D'ar paotr-mâ n'eus nemet eur remed,  
(Eme'n doctor) : eur c'hönje mad ;  
« Güelit-en... entrezec ar véred  
« E qerz ar c'heas paour timad.  
« Ha great e voe var ar guer-ze  
« Dal da gonje qea d'ar guer alesse  
« Da gaout da Gleuz alaouret,  
« Da Dour dantelezet. »

O va brô gueaz ! ô brô beniguet !  
Cetu me distro en ho creiz !!!...

Ra vezo da vigen miliguet  
Ar re am c'hasfe deus va Breiz !  
O va Zad paour ! ô va Mam guez !  
O Jantonie, va anter-tieguet !  
Gloar d'hor C'hleuziou alaouret !  
D'ho Tour dantelezet !

Bremàn cetu me em zieguet,  
Gant Jantonie, va greguic coant ;  
Eur greguic douç, leun a vadelez :  
A ra pep tra hervez he c'hoant.  
Beza hor bo bugaligou  
A vezo coantie evel oeligou.  
O va C'hleuziou alaouret !  
O Tour dantelezet !

Hac'en zo boneur pâr d'am hini ?  
Nan m'en assur, a dra certen :  
Ne meus mui aoun deus an ennemi,  
Ha n'em bezo tanfoultr biçen,  
N'eus general, na corporal  
A ell gûelet evel dôn-me ractal  
Qer caër C'hleuziou alaouret,  
Na Tour dantelezet.

C'houi, soudardet va regimant,  
Qersit oll d'ar victor atao ;  
Pepini en deus e zantimant ;  
M'en em gar gant Jantonie brao.  
C'houi a redo pell dre bep brô,  
Ha me chommo amàn bete 'rmaro,  
Gant va C'hleuziou alaouret,  
Va Zour dantelezet.

Mes mar teufe biçen ar Zaozon  
Da ataqni va brô qer Breiz,  
Eleal neuze, en gûir Breton,  
Me en tou amàn var va feiz,

Qerqent e ven güir tor e ben,  
Gant va Jantonie, hon daou o tifen  
Hor C'hleuziou ker alaouret,  
Hon Tour dantelezet.

Eun deiz, pa êruo an termen  
Ma vezo ret renta ar gont,  
Dirac treid ar Barner Souveren,  
Me gred n'em bezo get a spont :  
Me meus bepret an oll caret,  
Ha va Jantonie ha me admiret  
Hor C'hleuziou caer alaouret,  
Hon Tour dantelezet.

FIN.



---

Morlaix, imp. Lanoé.